

**AWIG - AWIG**

**DESA ADAT TENGIPIS**



**D E S A : BUAHAN KAJA**  
**KECAMATAN : PAYANGAN**  
**KABUPATEN DATI II GIANYAR**  
**1998**

PIDAGING MAKA BANTANG AWIG-AWIG DESA ADAT TENGIPIIS. 55

		55
		56
	MURDHA CITTA	56
		56
		WIDANG
PRATAMA SARGAH	ARAN LAN WAWIDANGAN DESA	2
DWITYA SARGAH	PATITIS LAN PAMIKUKUH	2
TRITYA SARGAH	SUKERTA TATA PAKRAMAN	3
	Palet 1 Indik Krama .....	3
	Palet 2. Indik Prajuru / Dulun Desa .....	10
	Palet 3 Indik Kulkul .....	12
	Palet 4 Indik Paruman .....	14
	Palet 5 Indik Druwen Desa .....	16
	Palet 6 Indik Sukerta Pamitegep .....	18
	Kaping 1 Karang Tegai lan carik ..	18
	Kaping 2 Papayonan .....	19
	Kaping 3 Wewangunan .....	21
	Kaping 4 Wawalungan .....	21
	Kaping 5 Bhaya .....	22
	Kaping 6 Panyanggran Banjar .....	24
CATUR SARGAH	SUKERTA TATA AGAMA	25
	Palet 1 Indik Dewa Yadnya .....	25
	Palet 2 Indik Rsi Yadnya .....	31
	Palet 3 Indik Pitra Yadnya .....	32
	Palet 4 Indik Manusa Yadnya .....	40
	Palet 5 Indik Bhuta Yadnya .....	41
PANCAMA SARGAH	SUKERTA TATA PAWONGAN	43
	Palet 1 Indik Pawiwahan .....	43
	Palet 2 Indik Nyaplan .....	46
	Palet 3 Indik Sentana .....	49
	Palet 4 Indik Warisan .....	51

SAT SARGAH	WICARA LAN PAMIDANDA	55
	Palet 1 Indik Wicara .....	55
	Palet 2 Indik Pamidanda .....	56
SAPTAMA SARGAH	NGUWAH-NGUWUHIN AWIG-AWIG .....	58
ASTAMA SARGAH	SAMAPTA.....	58

## MURDHA CITTA

Om Swastyastu, Om Awighnamastu nama siddham.

Malarapan saking pangyangning Ida Sang Hyang Widhi Wasa esung kerta nugraha ngawentenang kahuripan sakala niskala, ring Bhuwana Agung lan Bhuwana Alit.

Manut dresta Desane wantah pawakan pasayuban Krama Desa rawuhing kulawarga pawongannya. Desane kaanggehang Bhuwana Agung, pawonganya soang-soang pinaka Bhuwana Alit.

Solaning Bhuwana Agung, Desane wantah pawakan Bhuwana maurip jangkep saha Tri Hita Karanannya luwre :

- 1a. Parhyangan, sahananing Kahyangan penyiwian Desa genah ngarcana Ida Hyang Parama Wisesa maka jiwana Desane.
- 1b. Pawongan, Krama saha warga Desa maka sami mapawakan Bayu Pramana mawinan Desane sidha molah maprawerti.
- 1c. Palemahan, tanah kakuwuban Desa sinanggeh Stulaning Desane.

Adung patemon Bhuwana kalih, larapan santa Jagadhlita sinanggeh Murdhaning Prayojana pangeriptaning Awig-awig Desa Pakraman ring paseban mami krama Desa Adat.

Pinaka sepat siku-siku pamalut wastu prasida prayojanan mami kabeh prasama angidep mawah amagelaken kadi linging Awig-awig iki.

PRATAMA SARGAH  
ARAN LAN MAWIDANGAN DESA

Pawos 1

- (1). Desa Adat puniki mawasta Desa Adat Tengipis.
- (2). Desa Adat Tengipis mawates nyatur sekadi ring sor :
- |                 |                       |
|-----------------|-----------------------|
| ha. Sisih Wetan | : Tukad Siap.         |
| na. Sisih Kulon | : Desa Adat Majangan. |
| ca. Sisih Lor   | : Desa Adat Majangan. |
| ra. Sisih Kidul | : Desa Adat Gambih.   |
- (3). Desa Adat puniki kawangun antuk karang ayahan Desa utawi karang guna kaya lur kasungkemin antuk tunggil Banjar Tengipis (Banjar Patus Madya / Banjar Patus Kalampusan).

DWITYA SARGAH  
PATITIS LAN PAMIKUKUH

Pawos 2

Desa Adat Tengipis ngamanggehang pamikukuh minakadi :

- |  |
|--|
| ha. Pancasila.   |
| na. Undang-Undang Dasar 1945 pamekas pasal 18.             |
| ca. Peraturan Daerah Tingkat I Bali Nomor : 06 Tahun 1986. |
| ra. Tri Hita Karana manut Sadacara Agama Hindu.            |

## Pawos 3

Luwir Patitis Desa Adat Tengipis :

- ha. Mikukuhin mwah ngerajegang Sanghyang Agama.
- na. Nginggilang Tata Prawertine magama.
- ca. Ngerajegang kasukertan Desa saha pawongannya sekala lawan  
niskala.

TRITYA SARGAH  
SUKERTA TATA PAKRAMAN

Patet 1  
Indik Krama

## Pawos 4

- (1). Sane kabawos Krama Desa Adat inggih punika kulawarga sane magama Hindu saha ngamong karang Desa utawi Karang gunakaya tur jenek mapaumahan, saha satinul ring daging Awig-Awig Desa Adat Tengipis.
- (2). Sahanan sang madruwe tanah yadiastun wit ngontrak, numbas sane magama Hindu tur jenek mapaumahan ring wawidangan Desa Adat tengipis, tan kantun kaiket olih Desa Adat wit ipen, patut tedun makrama Desa kariyinin antuk pasadok ring Prajuru / Dulun Desa maka sarana sewala patra maka cihna kesah sakeng Desa mucap saha nawur arla pananjung agung alit manuf pararem.

- (3) Yaning lan jumenek keni ligasana nyabran nem (6) sasih agung alit manut pararem.
- (4) Sajaba punika kasinanggeh tamiyu.

#### Pawos 5

Krama Desa wenten petang (4) pawos luwire :

- ha. Krama ngarep, Krama sane ngamong Karang utawi manut perarem.
- na. Krama Kamplengan / Pangele, Krama sane nenten ngamong Karang nanging sampun mawiwaha / merabi, kabawos Krama Banjar patis.
- ca. Krama Balu, Krama Sane katinggal seda / padem olih lanang utawi istri nyane utawi sakaning nyapian.
- ra. Krama Tapukan, Krama sane katinggal seda / padem olih yayah renannya sakewanten durung antes ngayah / durung mawiwaha utawi selami kantun masekolah malarapan likita pastika saking sekolahnya, manut pararem.

#### Pawos 6

Ngawit dados Krama Desa :

- ha. Sangkaning ngamong Karang / Carik / Tegal.
- na. Ngawit rawuh saking sewos Desa jumenek ring Desa Adat Tengipis saking rahayu malarapan likita pastika saking wit Desane.

## Pawos 7

Panamaya tedun makrama Desa :

- ha. Ayah panyeledihi utawi nyuksukin kadadosan nyabran ngesasih ritakala pasangkepan Desa.
- na. Nyantos asasih mawiwil pawiwahan.
- ca. Nyabran wenten pinunas ngaraga saking jarma pandonan / siosan.

## Pawos 8

Sahanan Krama Desa Keni lategenan / ayah-ayahan mwah papeson luwire :

- ha. Krama Ngarep utawi ayah jangkep keni ayahan mwah urunan mamungkul.
- na. Krama Kamplengan / Pangele keni urunan mwah ayahan ring :
  - 1). Banjar Patus mamungkul
  - 2). Patedunan, rerampen mamungkul.
- ca. Krama Tapukan keni urunan mamungkul sakewanten luput sahananing ayah-ayahan ngantos mayusa 17 warsa utawi sampun mawiwaha, yaning kanton masekolah taler kaluputang ayah-ayahannya malarapan likita paslika saking sekolahnya.
- ra. Krama Balu utawi Nyapian keni ayah mwah urunan mamungkul saha ayah-ayahan manut kawentenan balu inucap.
- ka. Prade rikalaning ngayah wenten sinalih tunggil Krama matilar tan pasadok ring Prajuru sadurung puput karya wenang Krama inucap keni pamidanda manut pararem, tanjek laler kawastanin.

## Pawos 9

- (1) Krama Desa / Banjar sane sampun manggeh daha taruna<sup>4</sup> patut mapupulan dados : Sekaa Teruna.
- (2) Ngawentenang taman, telajakan ring sajeroning Desa / Banjar mwah nyarengin gotong royong ngardi keasrian Desa.

## Pawos 10

Swadharmaning Krama, sewosan ring tategenan luwire :

- ba. Tinut saturut ring sadaging Awig-awig, Pararem, mwah pasuwaran Desa.
- na. Tan maren ngutsahayang mangda Desane merasidayang nyujur manut patitis.
- ca. Tinut saturut ring Guru Wisesa.

## Pawos 11

Swadharman tamiyu :

- ba. Tinut saturut ring Yasa Kertin Desane.
- na. Tan piwal ring sadaging Awig-awig, Pararem lan pasuwaran Desa.
- ca. Nyadokang raga ring Prajuru arahina sesampun jumenek antuk likita pastika.
- ca. Yan tan tinut, pacang kairid / tan kedadosang jumenek ring Desa Adat.

## Pawos 12

Pilih-olihan Krama :

- la. Pilih pasayuban sekala Niskala, saha katiwakin pamutus sahanan wicarannya.
- na. Nyarengin paruman tur wenang mastikayang pamutus.
- ca. Kadadosang madeg Prajuru manut pararem.

## Pawos 13

Krama Desa kadadosang :

- la. Mapuangkit utawi tan tedun sangkaning :
  - 1). Sungkan sakanlune sungkan manut pangeloika Prajuru.
  - 2). Matepetin rare manut pangeloika Prajuru.
  - 3). Mayadnya, mapawangun ngaraabin, lan sane siosan punika.
  - 4). Kengin matempo wantah arahina / apisan sajawaning wenten uwak-uwakan saking Prajuru / Dulun Desa.
- na. Ayahan sane tan wenten panyeledihi (nyalukin) kadadosan Nyada / ngamademang ayah risampun mayusa 70 (pitung dasa) warsa tur tan dados nyuksukin.
- ca. Sane kawenangan nyuksukin risampun manggeh dahi teruna utawi sane sampun mresidayang nganutin Krama.
- ra. Krama ngarep / Ayah tan kadadosan ngoot utawi nutug ayah antuk arta barana.
- ka. Krama sane kasurat manut pawos 6 aksara b lan c ring ajeng kengin nutug ayah antuk arta brana santukan kapialang utawi ngentosin ayah-

ayah antuk arta brana manawi kajudi olih sang Mawang Rat utawi kaluasan selami 3 – 7 rahina.

#### Pawos 14

Wusan dados Krama Desa luwire :

na. Sangkaring :

- 1). Pinunas ngaraga manawi kesah kadura Desa utawi ngalangkungin sagara.
- 2). Kanorayang dwaning sampun tan prasida ngehehin solah maprawerti satata nguwug pamargin awig-awig.

#### Pawos 15

na. Sang wusan makrama :

- 1). Patut ngaturang karang ayahan ka Desa, prade karang punika karang Desa.
- 2). Tan polih pah-pahan saking padnuweyan Desa utawi Banjar.
- 3). Krama sane magingsir ka dura Desa yaning prade mawali malih, kengin ngeranjing makrama Desa nanging keri pananjung antuk artha manut pararem lan tegak.
- 4). Krama sane kasisipan, kanorayang prade mawali malih patut :
  - Nunas geng pangampura ring Krama Desa
  - Nawur panuku lan panyangaskara panyapsap manut pararem.
  - Nenten malih pacang melaksana sane nenten patut.

## Pawos 16

Swadharmaning tamiyu :

- ha. Nganutin sahananing pamargi Kerta lan katreptian Desa Adat tengipis.
- na. Sang sinanggeh tamiyu utawi krama sane kerawuhin tamiyu patut matur supeksa ring Prajuru Adat manut pararem.
- ca. Yaning tamiyu utawi sane kerawuhin tamiyu nenten matur supeksa ring Prajuru Adat patut keni pamidanda manut pararem.
- ra. Yan wenten tamiyu tan nganutin pratingkahing Kerta lan katreptian Desa Adat wenang katundung saking wawidangan Desa Adat Tengipis, yang tang prasida / tan nganutin patut katur ring Sang Ngawewenang.

## Palet 2

Indik Prajuru / Dulun Desa

## Pawos 17

- (1). Desa Adat Tengipis kaenter olih Bendesa Adat.
- (2). Banjar kaenter olih Kelian Banjar.
- (3). Tempekan kaenter olih Klian Tempekaa.
- (4). Bendesa Adat lan Klian Banjar patut :
  - ha. Mawiwit saking Krama Ngarep / Wed manut pararem.
  - na. Kadegang malarapan antuk kacatri olih parumanya sowang-sowang saha kagentosin nyabran 5 (limang) warsa sajawaning wenten parindikan sios tur dados kacatri malih.

- ca. Yaring wewen sinalla tunggal Krama sane kacatri dados Prajuru / Dulun Desa / Banjar niwatin utawi tan nginutin patut keni pamidnosa manut pararem.
- ra. Krama sane keadegang dados Prajuru / Dulun Desa patut kadulurin antuk Dewa Saksi ring Pura Desa / Bale Agung.

## Pawos 18

Sane patut kaadegang dados Prajuru / Dulun Desa sekadi ring sor.

- ha. Uning manyurat lan ngawacen aksara Bali utawi latin.
- na. Uning ring perindikan Adat lan agama.
- ca. Rahajeng tur mapolah rahayu.
- ra. Kautamayang sane tan cedangga.
- ka. Lan sane siosan.

## Pawos 19

(1). Bendesa Adat kasangga olih :

- ha. Patajuh utawi Pangliman pinaka wakilnya
- na. Panyarikan pinaka juru surat
- ca. Patengen pinaka pangemong / juru raksa druwen Desa Adat
- ra. Kasinoman pinaka juru arah.

(2). Kasinoman akehnya manut kawigunan saha magilir nyabran ngasasih.

(3). Sajeroning ngenterang kasukertan niskala Bendesa Adat patut mingsinggihang Pamangku Kahyangan Desa / Tiga mwah sang meraga Sulinggih.

## Pawos 20

## (1) Swacharmaning Bendesa Adat luwire :

- ha. Ngenterang pamargin sadaging Awig-awig rawah pararem Desa Adat
- na. Nuntun tur ngenterang Krama rawuhing Warga Desa Ngupadi manut patitis.
- ca. Mawosin kalin niwakang pawatus arep ring wicara warga Desa.
- ra. Maka dutta Desa matemuang bawos ring sapa sira ugi.

## (2) Prade Prajuru / Dulun Desa iwang pangelaksana keni pamidanda nikel ring kaiwançan soang-soang Krama tur dados kararyanang manut pararem.

## Pawos 21

## Pituwas utawi olih-olihan Prajuru / Dulun Desa luwire :

- ha. Luput rerampen lan papeson.
- na. Polih bukti duman tanding tengah manut entanganmya.
- ca. Pamupon pelaba carik / tegal manut perarem.
- ra. Pituwas siosan manut perarem.

## Pawos 22

## (1) Prajuru / Dulun Desa kagentosin riantukan :

- ha. Seda / Lampus.
- na. Kanorayang dwaning iwang pamargi utawi nilar sasana.

- ca. Wit' saking pakayun rahayu ulawi pinunas ngeraga.
  - ra. Sampun tulug sengker dados Prajuru / Dulun Desa.
  - ka. Tan sida ngamargiang pamargi dados Prajuru santukan sungkan  
Tahunan manut likila Dokter.
- (2). Ngentosin Prajuru / Dulun Desa patut ring sajeroning Paruman tur kaingkupin olih Krama Desa.

Palet 3

Indik Kukul

Pawos 23

- (1). Kukul ring Desa Adat Tengipis Iuwire :
- ha. Kukul ring Kahyangan.
  - na. Kukul Desa Adat.
  - ca. Kukul Banjar.
  - ra. Kukul sekaa-sekaa siosan.
- (2). Tabuh tatepakatan kukul ring Desa Adat Tengipis Iuwire :
- ha. Nungting / Silih asih tengeran wenten yadnya / upacara.
  - na. Kalih tulud lambat tengeran, Krama Desa Adat tedun ngayah, mekarya, gotong royong mwah paruman.
  - ca. Bulus tengeran wenten bhaya.
- (3). Tabuh tatepakatan kukul ring banjar :
- ha. Bulus
    - 1). Atulud bulus, tengeran kageni bhaya.
    - 2). Kalih tulud bulus, tengeran kapandangan (arta bhaya)
    - 3). Tigang tulud bulus, tengeran pwa bhaya

- 4). Petang kelentungan bulus, tengeran lindu, er, lan pawana bhaya.

na. L a m b a t :

- 1). Atulud lambat tengeran Penimbangan BALITA.
- 2). Kalih tulud lambat, tengeran tedun ngayah utawi wenten pakaryan / paruman.
- 3). Nungtit silih asih, tengeran surya graha, bulan kapangan.
- 4). Tigang tulud lambat, tengeran wenten kelayusekaran.
- 5). Petang tulud lambat, tengeran ngawit Nyepi / ngembak geni.

ca. K e l e n t u n g a n :

- 1). Limang (5) kelentungan , tengeran rare istri embas.
- 2). Pitung (7) kelentungan, tengeran rare lanang embas.
- 3). Siya (9) kelentungan, tengeran Pawiwahan.
- 4). Petang kelentungan, tengeran ngawangdeang karya / parum.

Pawos 24

- (1). Kukul Desa utawi Banjar tan kawenang ketepak yaning tan sangkaning pituduh Prajuru / Dulun Desa sawawaning tengerang bhaya.
- (2). Sang nepak kukul tan sangkaning pituduh Prajuru / Dulun Desa patut digelis matur supeksa maka buatan panepake yan ten sapunika wenang kadanda manut pararem.
- (3). Kukul sekaa-sekaa samaliha kukul pondokan-pondokan tan kalugra nyawurin sukat utawi tengeran kukul Desa utawi Banjar sawawaning tengeran bhaya, prade mamurug taler kadanda manut pararem Desa.

## Pale 4

## Indik Paruman

## Pawos 25

(1). Paruman / Sangkepan ring Desa Adat Tengipis wenten :

ha. Paruman Desa / Banjar kawentenang :

1). Nyabran ngasasih nuju rahina Anggara kasih maka cihna tanpa arah-arah dwaning sampun tetep panumaya manut perarem.

2). Napkala (padgata kala) maka jalaran arah-arah manut tatujon.

na. Paruman / sangkepan Prajuru Desa kawentenang nyabran sasih miwah manut wiguna.

ca. Paruman / sangkepan Banjar nuju rahina Tumpek manut pebuat.

(2). Paruman / sangkepan ring Desa Adat lan Banjar Tengipis madudonan kadi ring sor :

ha. Prasida lumaksana risampun katedunin olih sang patut ngemiletin paruman ka Manggala antuktengeran kulkul mwah mabusana Adat Madya saha tan kalugra makta gegawan sakaluwire.

na. Tan maren ngarcana ring Ida Bhagawan Panyarikan maka sarana widhiwidana marupa cane.

ca. Maka sarana janggi, pangawit kalaksanayang panyacak sepsepan saha riwusnya nyacak ngetang dadosan agung alit manut pararem.

ra. Pinaka pamungkah sangkepan kakawitin antuk panganjali "Om Swastyastu".

ka. Tan kalugra ngawetuang suwara gora utawi liyola yan wenten asapunika keni pamidanda beya pacamil kadi dandaning nguman-nguman ring sabha.

- da. Pamutus kabawos beruk sapanggul (ingkup) punika kamanggehang.
- ta. Pasangkepan kapuputang antuk parama santhih : Om santih, Santih, Santih, Om.
- (3). Prade pidaging paruman / sangkepan tan kaingkupan mangda Prajuru / Dulun Desa ngilikang bebawos, saha pamutusnya mangda kaingkupin / kararemin olih Krama Desa, bilih tan prasida kararemin / kaingkupin jantos ping tiga (3), Prajuru wenang nunas bawos ring Sang Ngawe Wenang.

#### Pawos 26

- (1). Sajeroning paruman Desa, Bendesa Adat patut nyobyahang / nyiarang pamargin ngenterang Desa pamekas nganinin indik :
- na. Munjuk lungsuring pakraman saha ayah-ayah, sulur arta brana druwen Desa.
- na. Rincikan Prajuru / Dulun Desa kawenang wantah ngarincikang pangrancana usaha Desa kapungkur.
- (2). Pamutus paruman Desa sinanggeh pararem maka pamitegep daging Awig-Awig.
- (3). Sangkepan Prajuru / Dulun Desa kawenang wantah ngerincikang pangrancana usaha kapungkur.
- (4). Sangkepan Prajuru / Dulun Desa tan kawenang ngawedalang tategenan ring Krama sadereng kaingkupin olih Krama Desa.

- (5). Pamutus sangkepan Prajuru / Dulun Desa ngawetuang pasuara, maka pidaqing pituduh Sang Ngawa Wenang utawi ngonekang pecak pararem Krama Desa.

Palet 5

Indik Druwen Desa

Pawos 27

Padruwen Desa Adat Tengipis sekadi ring sor :

la. Kahyangan Desa luire :

- 1). Kahyangan Tiga ( Pura Desa / Bale Agung, Pura Puseh, Pura Dalem lan Prajapati).
- 2). Pura Batu Kapas.
- 3). Pura Pengangon.
- 4). Pura Tegal Suci
- 5). Pura Catur Bhuwana.
- 6). Pura Gunung Lebah.

na. Bale Desa / Bale Adat / Bale Banjar.

ca. Karang Ayahan Desa.

ra. Setra.

ka. Lelanguan druwen Desa Adat Tengipis makadi tetabuhan lan ilen-ilen padruwean Desa / Banjar luire :

- 1). Gong druwen Desa Adat / Banjar Tengipis.
- 2). Ilen-ilen wali Pura : rejang, Baris, Pendet.

da. Muwah padruwean siosan.

ta. Palaba Pura manut ilikita.

## Pawos 28

- (1) Sahananing druwen Desa Adat patut kapiara utawi kaupahayu olih Krama Desa kamanggala olih Prajuru / Dulun Desa.
- (2) Prajuru / Dulun Desa patut ngetangang druwen Desa manut wiguna.
- (3) Sahananing druwen Desa patut kaungguhing ring ilikita sane pastika olih Prajuru / Dulun Desa saha parindikannya.

## Pawos 29

Pilih-olihan Desa Adat Tengipis luwire :

- ha. Pilih-olihan sakeng paica guru Wisesa.
- na. Urunan saking Krama Desa.
- ca. Dana punia / paica-paica sane liyosan sane patut.
- ra. Usaha Desa Adat.

## Pawos 30

- (1). Prajuru / Dulun Desa wenang ngetangang padruwen Desa Adat.
- (2). Nyabran pasangkepan Desa, Prajuru / Dulun Desa sane ngemong druwen Desa patut nyihnayang parindikan munjuk lungsurin padruwen desa arep ring Krama Desa sami.
- (3). Sakaluwiring druwen Desa patut wenten ilikitannya.
- (4). Tan kalugra ngadol, ngadegang utawi ngesahang padruwean Desa yan tan kasungkemin olih Krama Desa sajeroning paruman.

## Palet 6

## Sukerta Pamitegep

## Kaping 1

## Karang, Tegal lan Carik.

## Pawos 31

- (1). Krama Desa pangemong karang Desa utawi karang gunakaya patut ngawatesin karang inucap antuk tembok utawi pagehan mangda pakantennya asri.
- (2). Wates sisi kaler miwah kangin patut kakaryanin olih sang ngemong karang ayahan inucap, sane mawasta gegaleng kaluan sajawaning tanah pecatu, tegal lan carik utawi tanah padruwean ngeraga sane kapiara watese sisi kelod mwah kauh reh punika mawasta gegaleng keleben,
- (3). Yaning wenten karang, tegal mwah carik kailehin antuk margi wenang sang madruwe karang punika ngaryanin wates sane pastika.
- (4). Prade karasayang pagehan / turus inucap ngalikadin yan pada arsa penyandingnya kengin watese nganggen pinget kewanten kasaksinin olih Prajuru / Dulun Desa utawi pracihna pal saking sang Ngawa Wenang.
- (5). Prade wenten karang, kabebeng / embet mangda kausahayang mangda wenten pamarginnya utawi pangutangan toyane manut paigum lan pararem.
- (6). Sahanan karang patut miara telajakan utawi makarya ambal-ambal saha nandurin antuk tetanduran sane ngawinang Desane makanten asri.

- (7). Yaning wenten karang sane tan wenten ngenahin / tan wenten ngarap mwah ngayahang patut karang punika kadruwean olih Desa Adat / Banjar Adat.
- (8). Yaning jantos tigang (3) sasih karang inucap tan wenten ngenahin mwah tan wenten ngayahang wenang karang inucap kalimbalang olih Prajuru ring Krama siosan sane durung / nenten madruwe karang.

### Pawos 32

- (1). Sinalih tinggil Krama Desa / Krama Banjar tan kalugra :
- ha. Ngalah-alah margi, tegal, ayahan Desa, Karang Desa lsp.
  - na. Ngalah-alah tanah linggih Kahyangan, Tegak setra lan sakancan linggih sinanggeh suci.
- (2). Prade wenten sekadi ring ajeng, sang ngalah-alah wenang ngewallang tanah inucap saha keni panidanda manut pararem, kadulurin upakara panyangaskara prade ngalah-alah tanah suci.
- (3). Sahanan karang patut miara telajakan lan ambal-ambal.

### Kaping 2

### Pepayonan

### Pawos 33

- (1). Ngawit nandur papayonan tanem tuwuh patut adepa agung utawi 2 (duang) meter ngajeroang sakeng wates prade jantos ngaliwat wates wenang kasepat gantungin.

- (2). Yaning wenten tetanduran ngungkulin samaliha mawastu mayanin kapisaga patut kawara antuk paigum ping ajeng mangda praskda sang nruwenang wit punika ngarebah utawi notor.
- (3). Prade sampun kawara taler tan wenten usaha sang nruwenang wit, sang rumasa katetehan / kajerihan wenang masadok ring Prajuru tur risampun kaparitas kalugra mademang wit inucap, sakewanten patin papayonan punika patut katawur manut pangeloika sang nepasin.
- (4). Sang keni pamidanda panyangaskara saha prabeya manut pararem arep ring wawangunan sang karubuhin luwire :
- ha. Sang nruwenang wit sinanggeh mayanin, prade pungkut ngerurubin wawangunan Krama siosan.
  - na. Sang notor, munggul utawi ngerebah taru tur ngarubuhin krama sios.
- (5). Krama Desa patut ngamanggehang kawerdian tanem tuwuh sane ngawinang Desane Asri.
- (6). Tata cara nyepat ngantungin utawi ngarebah :
- ha. Nganutin patilis niskala.
  - na. Kasaksinin olih sang madruwe pepayonan.
  - ca. Kasaksinin olih Prajuru / Dulun Desa.
- (7). Yaning wenten taru pungkut utawi carang, daun lan buah ring sajeroning karang utawi tegal sane mapageh trepti tan dados kajarah utawi kaambil sajabaning sane maduwe kewanten. Yan pakarangan utawi tegalan punika nenten mapageh trepti (malumbar) wit lan carang dados kaambil.
- (8). Yan wenten tatanduran entikan ngalimbak utawi ngalintangin kapakarangan wiadin tegal, carik anak siosan wenang kataban olih sang nruwenang karang, tegal lan carik sane kaungsi olih entikan punika.

Kaping 3  
Wewangunan

Pawos 34

(1). Nyabran ngewangun patul :

- ha. Masadok ring Prajuru / Dulun Desa ping ajeng yan prade wawangunan punika nganinin wates.
- na. Ngangge sukat Asta Bhumi mwah Gagulak Asta Kosala-Kosali sanistane manut ring patitis niskala.
- ca. Tan nyayubin kapisaga, nyapcapin napi malih toyan ipun ngecorin pekarangan utawi paumahan anak tios.

(2). Prade wawangunan jantos nyayubin bilih-bilih tembokne ring telengin wates, risampun kawara tur kasadokang ring Prajuru / Dulun Desa wenang kadanda manut pararem saha tembok inucap kagubar utawi sanistane kakaryanang abangan.

Kaping 4  
Wewalungan

Pawos 35

- (1). Sahanan Krama Desa sane mlara wewalungan patul sayaga nilenin negul utawi ngalogor mangda tan ngarusakin karang utawi pabyanan Krama sios, bilih-bilih jantos ngeranjing ngaletihin katyangan.
- (2). Prade wenten wewalungan malumbar utawi ngeleb ngarusak pakarangan / pabyanan Krama sios, risampun kawara dados kataban, tur kadanda

ngawaliang wit sane karusak saha nawur panebas papiaraan telabanan anut pangeloika Prajuru / Dulun Desa.

- (3). Prade jantos ngaletihin linggih suci, minakadi Pamrajan / Sanggah, Kahyangan Tiga, risampun kaparitas olih Prajuru / Dulun Desa wenang sang nruwenang kadanda Upacara mabuhu agung caru Eka Sata maduluran tebasan pamrayascitta Durmanggala.
- (4). Krama Desa patut nyanggra wewalungan mwah sarwa prani, lan kapatutang mademang paksi mwah nuba ulam lan sane siosan, yan wenten melaksana seakadi asapunika katurang ring Sang Ngawa Wenang tur kenl pamidanda manut pararem.
- (5). Sang miara wewalungan taler lan kawenangan ngonahang, negulang utawi ngangonang wewalungan ring genah-genah kadi ring sor :
  - ha. Genah sinanggeh suci rawuh pakarangan Banjar / Desa Adat.
  - na. Margi agung, rurung ring Desa Adat.
  - ca. Pakarangan rawuh telajakan / ambal-ambal krama siosan.
  - ra. Setra-setra lan sane siosan.

Kaping 5

Bhaya

Pawos 36

- (1). Parindikan bhaya luwire : Jwa bhaya, Artha bhaya, Geni bhaya, Lindu bhaya, Dura cara ring Agama lan sapanunggilannya.
- (2). Sang manggihin kahanan jwa bhaya patut nepak kulkul bulus mapitulung manut pawos 23 (3) aksara a (3).

- (3). Prade wenten Desa kahanan jiwa bhaya patut Desane ngaturang bhuta yadnya manut pararem tur sang mayanin katur ring sang Ngawewenang.
- (4). Prade wenten jadma mamisuh utawi nguman-nguman jadma sios, patut keni pamidanda beya pacamil maduluran tebasan pamrayascitta.
- (5). Sahanan Krama Desa patut mapitulung sane kasinahyang antuk pasuwaran kulkul saha makta gagawan manut sekadi kawentenan bhaya inucap mangda sang keni bhaya sida digelis polih pitulung.

#### Pawos 37

- (1). Sang manggihin kahanan artha bhaya (kapandungan) patut ngukul bulus manut pawos 23 (3) aksara a (2) utawi sang kamalingan atur supeksa ring Prajuru / Dulun Desa sane pacang nimbangin, nandanin tur sang melaksana katur ring sang Ngawawenang saha maweweh panyangaskara prade jadma punika ngamaling padruwen Desa Adat sane sinanggeh suci.
- (2). Prade wenten jadma ngarereh reramon minakadi : don kelapa, ron, busung tanpa sadok ring sang nruwenang prade kacunduk / katara yan tan ledang sane nruwenang, sang ngarereh reramon punika patut kadanda kadi dandaning maling.
- (3). Pratingkahe mapailon ring dusta kabawos karuron, prade wenten jadma manggihin maling tan nyadokang ring Prajuru / Dulun Desa jantos jadma tios nyaduang patut kadanda kadi dandaning maling, sakuweh

- pengangan wit manut cacakan Banjar, tur prade jantos ping tiga melaksana asapunika wenang kasukserahang ring Sang Ngawawenang.
- (4). Prade wenten jadma ngamaling yan katara patut kasadokang ring Prajuru / Dulun Desa turmaning katureksain olih Prajuru, maling punika keni pamidanda tur ngawaliang wit lan artha manut pararem.
- (5). Yaning wenten jadma ngeranjingin pakubon wiadin pakarangan rikala suwung, mawastu sang madruwe karang / pakubon kaicalan wenang jadma inucap katuwekang antuk madewa saksi ring Pura Bale Agung.
- (6). Mangda tan katuwekang manut ring ajeng, asing-asing ngeranjingin pakubon / pakarangan jadma sios patut :
- ha. Matengeran suwara (makaukan).
  - na. Nyantos sang nruwenang karang rawuh utawi masadok ring pangapit pinih tampek maka buatang pengranjinge.
  - ca. Yaning kasinoman mapangarah rikala suwung patut karangnya kadagingin sawen maka cihna mapangarah / wenten arah-arah.

#### Kaping 6

#### Panyanggran Banjar

#### Pawos 38

Krama Desa rikala ngawentenang karya suka duka patut kasanggra olih Banjar luwire :

- ha. Prade wenten ngawangun Pitra Yadnya patut kasanggra olih Banjar.
- na. Soang-soang Krama wenang nunas karya ring Krama Desa / Banjar.
- ca. Krama Desa / Banjar wenang nyanggra pinunas Krama manut sane kabuwatang.

- ra. Krama Desa / Banjar patut nedunin reramon, klangsah, gesing yaning kabuwatang antuk sang madruwe karya.
- ka. Pangingu rikala Pitra Yadnya manut abot dangan yadnya, prade saking semengan nyantos wengi katuran pangu ping kalih.
- da. Panjeromba tiyosan manut pararem.

CATURTAS SARGAH  
SUKERTA TATA AGAMA

Palet 1

Indik Dewa Yadnya

Pawos 39

- (1). Kahyangan panyiwian ring sawidangan Desa Adat Tengipis Iuwire :
  - ha. Kahyangan Tiga : Pura Desa / Bale Agung, Pura Puseh, Pura Dalem lan Prajapati.
  - na. Pura Tegat Suci.
  - ca. Pura Batu Kapas.
  - ra. Pura Catur Bhuwana.
  - ka. Pura Pengangon.
  - da. Pura Gunung Lebah.
- (2). Rahina piodalan ring sowang-sowang Kahyangan Inucap Kadi Ring Sor :
  - ha. Ring Kahyangan Tiga Iuwire :
    - 1). Pura Desa / Bale Agung rikala Buda Wage Warigadian.
    - 2). Pura Puseh rikala Buda Kliwon Sinta.
    - 3). Pura Dalem lan Prajapati rikala Anggara Kasih Perangbakat.

- na. Pura Batu Kapas rikala Buda Umanis Julungwangi.
- ca. Pura Pengangon rikala Saniscara Kliwon Uye (Tumpek Uye)
- ra. Pura Tegal Suci rikala wenten piodalan ring Kahyangan Tiga utawi nyarengin piodalan ring Pura Desa.
- ka. Pura Catur Bhuwana rikala Saniscara Kliwon Wariga (Tumpek Wariga)
- odalan ring ajeng kamargiang sowang-sowang ngawarsa sajawaning wenten durbiksan jagat.
- (3). Pangaci ring Pura inucap manut kecap sastra Agama, saha kalaksanayang Nista, Madya, Utama manut kawentenan lan pararem.
- (4). Risedek Krama sampun ngayah jantos sampun makarya suci sadereng panumayan odalan, prade wenten warga kalayusekaran lan kawenangan ngalelet, mangda digelis kasurupang / kasulubang maserana antuk upakara pakingsan kasanggra antuk warginnyane sane pinih tampek, warge panyade, warga panumbak pengapil saha nenten nyuarayang kulkul, gong manut perarem, odalan mamargi kadi patut. Yaning risedek odalan sampun mamargi wenten jadmia padem lan kalugra mendem wenang ngalelet jantos Ida Bhatara masineb utawi ngaluwar. Sang kapademang polih panyanggran / pagebagan manut sekadi pamendeman ring ajeng.
- (5). Pangempon sowang-sowang Pura nianut dresta kadi ring sor :
- ha. Pura Desa / Bale Agung kaempon olih Krama Ngarep / Desa.
- na. Pura Puseh kaempon olih Krama Desa
- ca. Pura Batu Kapas, kaempon olih Krama Desa
- ra. Pura Dalem kaempon olih Krama Banjar ( Desa Dalem)
- ka. Pura Catur Bhuwana kaempon olih Krama Banjar
- da. Pura Pengangon kaempon olih Krama Banjar

la. Pura Tegal Suci kaempon olih Krama Desa

Pawos 40

- (1) Ring sowang-sowang Pura inucap patut kaadegang Pamangku :
  - ha. Nyanyan, mapileges mapinunas ring ajeng Pura, wiadin ka Dura Desa manawi ring Balian Konteng lan sapanunggilannya.
  - na. Turun utawi ngawaris
  - ca. Kacatri olih Krama Desa.
- (2) Ngadegang Pamangku manut dudonan :
  - ha. Nyanyan, mapileges mapinunas ring ajeng Pura, wiadin ka Dura Desa manawi ring Balian Konteng lan sapanunggilannya.
  - na. Turun utawi ngawaris
  - ca. Kacatri olih Krama Desa.
- (3) Tan kawenang adegang Pamangku luwire :
  - ha. Cedangga makadi : peceng, perot, cungh lan sapanunggilan ipun
  - na. Sang sapasira ugi sane tan kapatutang manut pararem
  - ca. Sakit ila, ayan, buduh wiadin edan
  - ra. Sane tan maduwe kasucian urip.
- (4) Prabeya kapamangkuan :
  - ha. Adhiksa Widhi (ngawintening) kamedalin saha kalaksanayang olih sang ngadegang, mikadi Krama Desa utawi pangempon Pura sowang-sowang
  - na. Mapitra Yadnya riwekas patut kasungkemin olih Krama Desa utawi pangernong sanistane Brahma prayascitta saha panyanggrane, prade yadnya inucap kalaksanayang olih wargan sira pamangku manut pararem.
- (5) Pamangu patut ngamanggehang sasaning Pamangku luwire :
  - ha. Ambek Dharma Sadhu
  - na. Asewaka Dharma makadang Sastra Utama
  - ca. Tan parek ring naya dusta

- ra. Tan atayub ring tartacemara yudha
  - ka. Tan majing ring umah wong banija karma
  - da. Tan majing ring umah wong dretakrama
  - ta. Tan pati pikul-pikulan
  - sa. Tan salah-suluh
  - wa. Tan anginum asing angawe mada
  - la. Tan wenang ajajuden
  - ma. Tan wenang anayub upadrawaning cor yan mawyawahara leka  
wenang adewa saksi
  - ga. Tan griganing wong akweh
  - ba. Tan keneng cuntakaning wong len, sawawaning kulawarga tunggil  
natah utawi pasiwannya manut dresta.
- (6). Prade mamurung wenang pamangku luucap nyepuhin raga kasaksinin  
oli Prajuru.

#### Pawos 41

Swadharmen Pamangku luwire :

- ha. Ngenterang upacara piodalan ring Kahyangan utawi ring sowang-sowang  
pakubon Krama
- na. Yaning wenten jadmada dura desa sane muatang, sang mangku patut  
nglaksanayang kadi ring ajeng riyin, riwus puput wawu sang mangku  
kadadosang nilar Desa / Banjar
- ca. Prade salah sinunggil Pamangku kapialang utawi cuntaka dados nguntap  
Pamangku tiyosan utawi nuwur Sang Sulinggih

ra. Semalihe yan sampun Pamangku ngayah ring Pura kancit wenten kulawargannya padem / seda Pamangku inucap lan keneng cuntaka sakewanten Pamangku lan budal selami piodalan.

Kulawargan sira mangku kasanggra olih Krama Nyada lan panunbak Pengapit.

#### Pawos 42

Patias utawi olih-olihan Pamangku luwire :

- ha. Upon-upon Pelaba Pura manut perarem
- na. Pahan sarin canang ring soang-soang Pakubon Krama Desa
- ca. Luput pakaryan, rerampen lan padagingan (luput manuk)
- ra. Pahan sarin canang ring sowang-sowang pakubon Krama Desa
- ka. Patias sewosan manut pararem.

#### Pawos 43

(1) Pamangku kagentosin riantukan :

- ha. Seda
- na. Pinunas ngaraga sangkaning kageringan lan sapanunggalannya
- ca. Kawusang olih Krama sangkaning malaksana sane tan patut.

(2) Prade pamangku kawusang sangkaning malaksana tan patut keni pamidanda manut perarem saha ngawaliang prabeya pawintenannya.

## Pawos 44

Kasukertan Kahyangan kadi ring sor :

aa. Tan kalugra ngranjing ka Pura luwire :

- 1). Sang katiben cuntaka
- 2). Makta sahanan barang sinanggeh ngaletehin
- 3). Sate Agung sawawaning mapapada
- 4). Mabusana sane tan manut kadi tata caraning ngranjing ka Pura
- 5). Sadereng polih wak-wakan (pituduh) sakeng Prajuru / Dulun Desa.

na. Pratingkahe tan wenang ring Pura :

- 1). Masumpah (cor) sawawaning pituduh Prajuru / Dulun Desa
- 2). Makobetan, masasenengan, makolem dados asiki lanang wadon, mabacin, mawarih, macecepin rare, nyangsang busana, menahin pusungan rikala majajahitan patut ngelung husung macengger lidinnya.
- 3). Munggah tedun palinggih sawawaning pituduh Prajuru / Dulun Desa
- 4). Ngalaksanayang sahananing jajuden
- 5). Mamisuh, ngopak, mamunyah miwah sapanunggalannya.

ca. Sang mamurug kecap ring ajeng keni pamidanda pamryascitta pamalik sumpah (masapuh-sapuh) sapatutnyane manut pararem.

## Pawos 45

- (1). Yan wenten jadma karawuhang ring pura, dados kapintonin prade rumasa kasumangsayan, yan tan wiyakti jadma inucap patut kasisipang manut pararem.

- (2). Prade Kahyangan kahanan Durmanggala minakadi koni bhaya pamangku utawi sang manggihin patut digelis nyadokang ring Prajuru / Dulun Desa mangda digelis marumang Desa tur ngawentenang pamrayascitta sepatutnya.

#### Palet 2

Indik Rsi Yadnya

#### Pawos 46

- (1). Sang pacang madeg Pandita utawi Pinandita minakadi Balian Sonteng. Dalang miwah sakaluwiring sane jagi ngenterang yadnya patut masadok ring Prajuru utawi ring Parisada Hindu Dharma Indonesia.
- (2). Prajuru Desa patut ngawas saha nitenin tur wenang ngalangin yanyanten kacihnian tan manut ring kecap Sastra Agama miwah dresta, tur sareng nyaksinin Upacaranya saha nyobyahang / nyilarang ring Paruman Desa tegep rawuhing wates kawenangannya ngenterang yadnya.
- (3). Krama Desa patut ngaturang ayah rikala wenten upacara ngadegang Pandita utawi Pinandita ring ajeng katuntun olih Prajuru / Dulun Desa.

#### Pawos 47

- (1). Sang sulinggih patut ngarihinang / numunang muputang ring wawidangan Desa Adat Tengipis, risampun punika wawu muputang yadnya ka jebar tiis Desa utawi kadura Desa.

- (2) Krama Desa / Banjar sami patut sareng ngawas tur katuntun olih Prajuru / Dulun Desa mangda sahanan yadnya sane kawentenang kaicen pamuput olih Pandita / Pinandita manut kawenangannya soang-soang.

### Palet 3

#### Indik Pitra Yadnya

#### Pawos 48

Pamargin Pitra Yadnya madudonan manut sekadi ring sor :

ia. Pangupakaran sang kalayusekaran :

- 1). Antuk mendem utawi ngeseng makacihna pakingsan ring Ibu Pretiwi utawi ring Bhatara Brahma salami nuplupang prabeya.
- 2). Atiwa-tiwa (Upakara Pangabenan / Palebon).

ii. Upacara-upacara Pitra Yadnya, riwusan kaabenang / kapelebonang ngeraris upacara munggah daun bingin (ngerorasin).

#### Pawos 49

Swadaharmaning lan lategenan Krama prade wenten sinalih lunggil Krama kalayusekaran :

ia. Sang kaduhkitan patut :

- 1). Nyadokang ring Klian Banjar miwah Bendesa Adat tur nunas talimbangan ring kawentenannya
- 2). Ngaturin Banjar ngarombo makarya eteh-ete sawa saha nganter ka setra tur katuran panyambrama carang sasaka-sidan.

na. Swadharmaning Banjar / Desa patul :

- 1). Bendesa Adat / Klan Banjar maritatas pamargin sang kaduhkitan napike pacang kapendem, makingsan riya utawi lantur jagi kaabenang / kapelebonang.
- 2). Prade kapendem raris kasuarayang kulkul pamitahu manul pawos 23 (3) aksara b (4) olih Klan Banjar.

ca. Swadharmaning mendem sawa wenten kalih soroh :

- 1). Nyurupang / mapasah yaning lan wenten padewasan mendem / ngurug kalaksanayang risampun surup surya / wengi nenten kadadosang nyuarayang kulkul, gong lan sapanunggalannya.
- 2). Mendem lantur ngurugin patul nengerang kulkul saha upakara sane patul.
- 3). Manul aksara c (1) ring ajeng, kulkul utawi upakara kamargiang risampun wenten padewasan ngurug.

15. Panyanggran Banjar mantuk ring sang kalayusekaran sane jagi kapendem :

- 1). Soang-soang Krama Banjar / Desa patul nedunin patus beras, kelapa, adeng mwah jinali manul pararem.
- 2). Ngarombo ngaryanin eteh-ete sawa kasarengin olih Krama sane rawuh ngarombo.
- 3). Sami Krama Banjar patul nganter sawa kasetra jantos puput upacara pamendemane.
- 4). Tan kalugra nginepang bangbang miwah mendem sawa rikala : semut sadulur, kala getongan, Was panganten, Kliwon, Kajeng Kliwon, Soma Umanis Tolu, Prawani, Ingkel Wong, Pasah, Rarahinan Jagat, lan dina kekeran (lan sapanunggalannya).

- 5). Tan kengin ngalelet :
    - ha. Langkungan ring 7 ( pitung) rahina tur patut polih pagebagan manut paetangan Klijan Banjar.
    - na. Prade kapendem patut pramangkin sajawaning dina kekeran manut dresta.
  - 6). Yan pamendeman kamargiang antuk nyurupang Krama Banjar tan keni cuntaka / sebel, sajawaning warginnya sane pinih nampek miwah warga panumbak / pangapit.
  - 7). Prade wenten kalayusekaran rikala piodalan utawi wenten sinalih tunggil krama Desa sane jagi ngawangun yadnya tur sampun wak-wakan Prajuru / Dulun Desa patut kapendem pramangkin, polih panyanggran warginnya pinih nampek miwah panumbak lan pangapit nanging pamargine ka setra risampun surup surya / sandikala.
  - 8). Seda makta manik utawi kabebeng patut embasan dumun wawu pendern.
  - 9). Indik papendeman mangda ngangge gagumukan antuk limbagan sekadi dresta tan kalugra nganggen beton.
  - 10). Yan wenten papendeman ring Desa Adat Tengipis pacang kaabenang patut nganggen Upakara manut Sastra Agama.
- ka. Tata trepti nitakala mamargi nganterang sawa ka setra lwire :
- 1). Pikala nganter sawa ka setra saluwirin sane nutulin tan dados ngalangkungin sawa sajawaning sane makta eteh-ete upakara / upacara.
  - 2). Pamargin mangda trepti tur dabdab tan wenang mawig-wigan utawi ngarap apan tan manut ring pamulus Parisada nabi malih ngarusak wadah, pamereman, sawa miwah sane liyan-liyanan, ngantos

ngawetuang pakeweh ring sane madruwe kalayusekaran. Yan wenten sekadi asapunika keni pamidanda manut pararem.

- 3). Krama Banjar/ Desa sane nganter sawa ka setra patut mabusana adat madya.
- 4). Sasampune rawuh ring setra tan dados budal sadur'ing wenten atur sakeng Prajuru / Dulun Desa.

#### Pawos 50

(1). Sane kasinanggeh cuntaka sekadi ring sor :

- ha. Cuntaka antuk kalayusekaran
- na. Cuntaka antuk ngarajasewala
- ca. Cuntaka antuk ngembasan putra
- ra. Cuntaka antuk karuron
- ka. Cuntaka antuk sakit ila / buduh
- da. Cuntaka antuk pawiwahan
- la. Cuntaka antuk Gamia Gamana
- sa. Cuntaka antuk salah timpal
- wa. Cuntaka antuk mobot tan kaupakara lan pawidiwidanan
- la. Cuntaka antuk mamitra ngalang
- ma. Cuntaka antuk ngembasan putra durung maupakara pabyakaonan tur pawidiwidanan
- ga. Cuntaka antuk sad tatayi.

(2). Sengker cuntaka manut kawentenannya :

- ha. Cuntaka kalayusekaran cuntakannya kaanutang ring loka dresta  
Desa Adat soang-soang (jantos mapegal manut dresta)

- na. Cuntaka ngeraja sewala 3 rahina ngawit saking ngeraja swala utawi salamaning ngeraja swala.
- ca. Cuntaka ngembasang putra, petang dasa kalih (42) rahina ngawit saking putrane embas, marep ring sane istri, mwah roras (12) rahina sane lanang jantos sampun kakaryanang upacara nyambutin saha pamrayascitta manut daging Sastra Agama lanang wiadin istri.
- ra. Cuntaka antuk Karuron 42 rahina (abulan pitung) rahina tur sampun malirta pamrayascitta
- ka. Cuntaka antuk sakit lila / buduh / edan cuntakannya manut iikita pastika saking sang ngawenangang mwah sampun mrayascitta raga
- da. Cuntaka antuk Pawiwahan, cuntakannya ngantos sesampune ngalaksanayang upacara malirta pabyukaonan
- la. Cuntaka Gamia Gamana cuntakannya ngantos sasampune kapatasang / kasapihang tur sampun kawentenang upacara pamrayascitta raga mwah pamrayascitta Desa Adat / Kahyangan
- sa. Cuntaka salah limpai cuntakannya patut kasisipang ring Krama Desa sekadi manut ring Sastra Agama Hindu, cuntakannya ngantos kalaksanayang pamrayascitta raga kulawarga / kahyangan / Desa Adat
- wa. Cuntaka anak istri mobot nenten kawentenang upacara pabyukaonan, cuntakannya ngantos kawentenang upacara pabyukaonan
- la. Cuntaka antuk ngembasan putra nenten kawentenang upacara pabyukaonan mwah upacara pawidiwidanan, cuntakannya ngantos wenten sane mameras sang putra lan sampun kawentenang upacara manut sastra Agama

ma Cuntaka mamitra ngalang, cuntakannya ngantos kawentenang  
Upakara Pabyukaomang

ga Cuntaka Sad Tatayi, cuntakannya ngantos sampun maprayascitta  
raga tur nenten pisan dados ngamungganghang upakara padwijalan.

(3). Cuntaka kalayusekaran / kapedem :

ha. Kapedem cuntakannya :

1). Cuntaka / sebel Krama Banjar 3 (tigang) rahina riwusnya  
mendem utawi sasampun polih pamrayascitta.

2). Kulawargannya sajeroning pakarangan ngantos abulan pitung  
rahina (42) hari.

3). Sanak kulawargannya saumah / apakubon ngantos abulan  
pitung rahina (42) rahina.

na. Kaaben / Kapelebonang cuntakannya :

1). Ngaben dadakan cuntakannya manut aksara a angka 1,2,3 ring  
ajeng.

2). Ngaben ngamasa : saking nyambut padevrasan karya riwus  
mapegal.

(4). Sane katiban cuntaka luire :

ha. Kalayusekaran sane cuntaka :

1). Sang sane kalayusekaran

2). Kulawargannya.

3). Krama Banjar.

na. Ngaraja swala sane kacuntaka : sang sane ngaraja swala

ca. Ngembasang putra sane kacuntaka : kulawarga sane ngembasang  
putra lanang wiadin istri

- ra. Pawiwahan sane kacuntaka : sang sane ngelaksanayang pawiwahan lanang wiadin istri
- ka. Karuron sane kacuntaka : kulawargannya lanang wiadin istri
- da. Gamla Gamana sane kacuntaka :
- 1). Sang sane ngelaksanayang Gamla Gamana
  - 2). Desa adatnnye
- ta. Anak istri mobot nenten kawentenang upacara pabyukaonan sane kacuntakan sang meraga istri (sang mobot)
- sa. Mamitra ngalang sane kacuntakan : sane ngalaksanayang mamitra ngalang
- wa. Ngembasang putra nenten kawentenang upacara pabyukaonan mwah pawidwidanan sane kacuntakan :
- 1). Sang sane ngembasang putra
  - 2). Putra sane embas
- la. Sakit ila / buduh sane kacuntakan : ragannya dewek
- ma. Salah timpal sane kacuntakan :
- 1). Sang sane malaksana salah timpal
  - 2). Kulawargannya
  - 3). Desa Adat
- ga. Sad tatayi sane kacuntakan : sang malaksana sad tatayi sajawanin kulawargania tunggil natar utawi pasiwannya / nabennya.
- (5) Tan keneng cuntaka luire :
- 1) Sang sulinggih lan Pamangku Kahyangan Tiga.
  - 2) Rikala piodalan risampun ngalang sasih / ngalang tengah.

## Pawos 51

- (1). Aliwa-atiwa (pangabenan) kalaksanayang antuk :
- na. Sawa prateka pangabenan mawatang sawa
  - na. Sawa Rsi, pangabenan mawatang antuk sawa kresyan
  - ca. Swasta, pangabenan mawatang sawa sane tan kakeniang kagentos antuk lalang utawi toya.
- (2). Panemayan pangabenan wenten kalih pawos :
- na. Ngaben dadakan / bah bangun manut pararem
  - na. Ngaben ngamasa mamargi sekadi patut manut pararem.
- (3). Dudonan pangabenan ngawit saking ngagah (seda), ngawangun, ngeseng sawa ngantos pangiriman utawi nganyut.

## Pawos 52

- (1) Papatusan Aliwa-liwa / Pangabenan wenten kalih pawos :
- na. Ngaben ngamasa luire : Beras, Kelapa, Gesing mwah kalangсах manut pararem
  - na. Ngaben dadakan pateh sekadi patus seda kaper-dem utawi manut pararem.
- (2) Pangingune ring Krama Banjar ngawit ngayah anut abot dangan kawenten karya.

## Palet 4

## Indik Manusa Yadnya

## Pawos 53

- (1) Manusa Yadnya inggih punika upacara-upacara dharmaning manusa ngawit saking patemoning kama bang kalawan kama petak sajeroning garbha ngantos kalayusekaran riwekas.
- (2) Upakara kadi ring ajeng madudonan kadi ring sor :
- ha. Magedong-gedongan duk pangtempinian ibiang
  - na. Duk sang kamareka medal
  - ca. Kepus odel
  - ra. Roras rahina (12) hari
  - ka. Tutug kambuhan (42) hari
  - da. Nigang sasihin (3) bulan
  - ta. Pawetuan / oton / odalan (6) bulan
  - sa. Tutug kelih (ngeraja swala wadone, ngembakin lanang)
  - wa. Matatah / mapandes
  - la. Mawiwaha / pawiwahan
  - ma. Mawinten
- (3) Upacara upakara inucap nista, madysa, utama manut Sastra Agama saha cara dresta.

## Palet 5

## Indik Bhuta Yadnya

## Pawos 54

- (1). Bhuta Yadnya inggih punika upacara-upakara pabiakata ring peratiwi lan Kahyangan sarwa prani saha upacara-upacara ring babhutan.
- (2). Upacara pabyakalan ring sarwa prani miwang piranti luwre :
- ha. Ring sarwa tumuwuh lan piranti rikala tumpek pangatang (Saniscara Kliwon, Wara Wariga)
  - na. Ring sarwa ingon-ingon / wawalungan rikala tumpek Uye / Kandang (Saniscara Kliwon Uye)
  - ca. Ring sarwa lelandep / senjata rikala Saniscara Kliwon wara Landep
  - ra. Ring sarwa syandana / Wahana rikala Saniscara Kliwon wara Kuningan
  - ka. Ring sarwa lelanguan / tabuh-tabuhan rikala Saniscara Kliwon wara Krulut
  - da. Ring sarwa Ringgit, ukir-ukiran rikala Saniscara Kliwon Wayang
  - ta. Upacara pakala-kalaan manusa manut wiguna kabawos pabyakalan
- (3). Upacara pabyakalan ring pratiwi, Kahyangan lan babhutan kawastanin macara
- (4). Pacaruan inucap ring ajeng nista, madya, utama manut wiguna kadi ring sor
- ha. Ekasata
  - na. Pancasata
  - ca. Pancasanak

- ra. Rsi Gana
- ka. Tawur Agung
- da. Panca Kelud.

(5). Sajawaning kadi ring ajeng kawentenang upacara :

- ha. Majot-jotan utawi masesaiban kawastanin yadnya sesa nyabran wusan ngarateng
- na. Masapuh-sapuh rikala pacang wali ring Pura
- ca. Pacaruan pasasihan kalaksanayang nangken Tilem ngawit sasih ka : 5,6,7,8 lan ka 9 sajawaning wenten durbiksan jagat.

#### Pawos 55

- (1) Nangken ngawarsa rikalaning tilem Kasanga kawentenang Tawur Kesanga kalanturang antuk ngarupuk maka cihna pacang mapag rahina Panyepian benjangne.
- (2) Brata Panyepian sane kamargiang olih Krama Desa :
  - ha. Amati Geni tan dados maapi-api
  - na. Amati Karya tan dados nyambut karya
  - ca. Amati Lalungan tan dados malancaran, bilih-bilih kadura Desa Adat Sios
  - ra. Amati Lalungan tan dados maoneng-onengan, maswara gora lan sapanunggalannya.
- (3) Pabratan inucap kamargiang sakeng semeng ngantos semeng benjangne raris kaswarayang kulkul makacihna pangembak
- (4) Sang mamurung kecap ring ajeng keni pamidanda manut pararem kamargiang olih Patelik (Pacalang Desa).

- (5) Riwas rahina Nyepi (benjangne) maka cihna pangawit isaka warsa patut warga Desa sami madharna santhi.

PANCAMA SARGAH  
SUKERTA TATA PAWONGAN

Palet 1

Indik Pawiwahan

Pawos 56

- (1) Pawiwahan inggih punika patemon Purusa kalawan Pradai ngalarapan panunggalan kayun suka lila kadulurin Upasaksi sakala lan niskala.
- (2) Pamargin Pawiwahan luire :
- ha. Papadikan kamanggala antuk pakrunayan
  - na. Ngarorod marangkat nyin wawu kakrunayang
  - ca. Nyeburin utawi santana Nyeburin prade pawiwahane nyeburin / kaceburin, papadikan patut kamargiang antuk sang kaceburin / sang istri ka manggala olih Pakraman (risampun nganutin upakara pamerasan).
- (3) Pidabdab sang pacang mawiwaha patut :
- ha. Sampun manggeli deha-teruna (prasida nganutin undang-undang saking sang Ngawa Wenang)
  - na. Sangkaning pada lila (tan kapaksa)
  - ca. Manut kecap Sastra Agama (tan Garnia Gamana)
  - ra. Kasudiwadani prade pangambile tiros Agama utawi kapatiwangi prade pangambile tiros warga .

- (4). Pamargin Pawiwahan mangda taler nganutin undang-undang Perkawinan saking Sang Ngawenanng.

Pawos 57

- (1). Pawiwahan sane kapatutang ring Desa Adat Tengipis sekadi ring sor :
- ha. Sampun kamargiang pabyukala utawi pasakapan kasaksiang sakala niskala olih Pandita utawi Pinandita
  - na. Wenten pasaksi Prajuru / Dulun Desa sane mapakelingan utawi ngilikitayang pawiwahan
  - ca. Sampun matengeran suwara kulkul
  - ra. Pawiwahan inucap ring ajeng sampun kacatetang ring sang Ngawa Wenang.
- (2). Parabian sane tan manut kadi kecap ring ajeng sinanggeh tan patut utawi tan sah.

Pawos 58

- tata caraning parabian patut sakadi ring sor :
- na Sapa sira ugi sane pacang ngawarangang pakulawargannya patut masadok ring Prajuru / Dulun Desa, selanturnya Prajuru / Dulun Desa mantatas manut tan manut pamargin parabine
  - na Pamargin papadikan manut dudonan :
    - 1) Pakrunayan jantos ping tiga, saha soang-soang malarapan :
      - a. Kapertama antuk canang / sedah pinaka pabawos pasadok
      - b. Kaping kalih antuk canang pangrawos
      - c. Kaping tiga antuk daksina pajati, kabawos pamuput papadikan.

2). Risampun puput raris sang istri kaajak budal ring pakubon sang lanang, saha kalanturang antuk pabyakalan.

3). Mangda puput tumus sakala niskala raris kulawarga purusa makla pajati ring pamrajan wadone.

ca. Prade ngarorod / marangkal patut :

1). Raraman lanarge ngawentenang pasadok / pamliku / pangenduh antuk duta sakirangnya 2 (kalih) diri.

2). Pagenahan antene tan dados ring pakubon sang lanang sadereng mabyakala.

ra. Sajeroning pakrunayan / pangelukuan patut :

1). Kamanggala / kariyinin antuk geng pangampurna arep ring reraman wadone.

2). Kaiguman bawos / indik pakidih utawi pategayan arep ring pasewakan sang ngidih saha dewasa pakerab kambeyane riwekas.

3). Kacihnayang indik kapurusa utawi prade santana rajeg kajejerang kapatut ngidih anak lanang sane kabawos Pawiwahan Nyeburin.

4). Prade pasewakan tan katerima, pakrunayan kamargiang jantos ping tiga (3) taler tan katerima saking kulawarga wadone, babawosan kapuputang olih Prajuru / Dulun Desa Adat.

ra. Pakerabkambean mapiteges upacara tinas apadang (puput) mapakuren duaning manut sakadi ring sor :

1). Sajeroning kabawos ambe, kalaksanayang ring sakala niskala sarana jajauman mwah pawidiwidanan :

ha. Jajauman pinaka ngambe / ngadungang kayun soang-soang pakulawargan wadone.

na. Widiwidana pinaka pajati niskala nunas wadone ring Pamerajannya.

2). Sajeroning bawos kerab pamargi ring sakala :

ha. Antuk panyaksi Krama Banjar duaning kaparablang antuk tengeran kukul

na. Pamekas pasaksi Prajuru / Dulun Desa sane ngilikitayang.

### Palet 2

### INDIK NYAPIAN

#### Pawos 59

(1). Pawiwahan prasida kawusang malarapan antuk palas parabian utawi kapademan.

(2) Wusan mapakuren riantukan salah sinunggil seda mapiteges balu, kadi balu lanang / istri.

(3). Palas parabian wenten kalih pawos inggih punika :

ha. Sangkaning pada lila

na. Sangkaning mawiwit wicara

(4) Sang ayat palas marabian patut atur supeksa palikitan riyin ring sang rumawos wastu tinas apadang pamutus, kabawos nyapian, wawu Prajuru Desa nyobyahang kawentenannya ring Desa Adat saha keni panebus swaran kukul manut pararem

#### Pawos 60

Tata cara palas parabian sangkaning pada lila sakadi ring sor :

ha Nawur prabeya pasaksi sinalih tunggil sami matenge

na Pangunakayan poih pahan pada

- ca. Pabekel, tadtadan soang-soang kakuasa niri-niri mwah warisan kakuasa oih purusa
- ca. Ngaweruhin mwah ngupa jwain pratisentana manut swadharmaning guru rupaka
- ka. Nawur pamidanda panebasan swaran kulkul manut pararem
- da. Ngelung jinah logika Prajuru / Dulu.

#### Pawos 61

Prade riwekas sang palas kacihnan adung malih patut :

- ha. Ngalaksanayang pawiwahan
- na. Kadanda nikel saking palase yadiastun wit palase pecak sangkaning pada lila.

#### Pawos 62

(1). Sang balu kabinayang dados :

- ha. Balu luh wit santana (santana rajeg) mwah balu luh boya santana
- na. Balu muani kapurusa (wit santana) mwah balu muani nyeburin (boya sentana)

(2). Swadharmaning balu inucap patut :

- ha. Ngamanggehang pati brata tan dados ngamarglang paradara / dratikrana
- na. Nguwasayang waris pagunakaya, tan dados ngadol, ngadeyang, makidihan lan slosan punika, sawawaning kabebasan oih pianak utawi kulawarga pinih nampek saking kurenannya prade pianakne kantung alil-alil

- ca. Dados ngidih santana prade wenten pidabdab sadurung sinalih nunggil padem, saha kabebasan olih kulawarga sakeng kapurusa
- ra. Kadadosang mawiwaha malih, prade wenten kabebasan manut angka ring ajeng.

## Pawos 63

(1). Balu kaucap tan pageh sakadi ring sor :

- ha. Dratikrana utawi paradara
- na. Matilar saking pakubon tan pasadok jantes 6 (nem) sasih
- ca. Lempas ring swadharman soang-soang, tan prasida ngehehin solah maprawerti arep ring pituduh sane patut sakeng kulawarga purusa.

(2). Prade balu pageh katundung patut polih pah-pahan gunakaya

## Pawos 64

(1). Prade wenten jadma saking llos Desa / Banjar ngambil rabi ring sawengkon Desa / Banjar Tengipis keni penebus swaran kulkul marupa arta agung alit manut pararem.

(2). Krama sane dados mawihaha / maparabian langkungan ring apisan saha manut kadi ring sor :

- ha. Sangkaning palas marabian pecak
- na. Sangkaning sinalih tunggil sang marabian lanang utawi istri padem
- ca. Sang istri sakit / sungkan tahunan tan nganutin pati bratan satyeng laki
- ra. Sampun kasungkeming olih istri sane pinih ajeng

Palet 3

INDIK SENTANA

Pawos 65

(1). Santana wenten kalih pawos :

ha. Pratisentana

na. Sentana paperasan

(2). Pratisentana inggih punika, santana sane metu saking pawiwahan kapatut

(3). Prade pawiwahan tan ngawetuang santana dados ngidih santana antuk upasaksi sakala niska'a sane kawastanin santana paperasan, saha kalikitayang ring Sang Ngawawenang.

(4). Prade pawiwahan tan kapatut, raris ngawetuang santana mangda tan kantung kawastanin babinjat utawi astra patut kamargiang panyangaskara paperasan.

(5). Santana Rajeg inggih punika, pratisantana wadon (pradana), sane kamanggehang lanang / purusa tur risampun ngalaksanayang pawiwahan kaceburin.

(6). Sang sane dados kaarsayang santana rajeg inucap wiwit angka (5) inggih punika :

ha. Pratisentana wadon tunggal

na. Sampun kamanggehang dados pratisentana lanang (purusa)

ca. Kapawiwahang kaceburin kautamayang ring jadma sane magama Hindu utawi jadma sane magama siosan sane sampun ngalaksanayang upacara pamarisudha raga lan sudhiwadani

ra. Sane kamanggehang santana rajeg patut masadok ring Prajuru Banjar tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 66

- (1) Sapa sira ugi Krama pacang ngidih santana patut masadok ring Bendesa Adat / Klian Banjar sanistane 3 (tigang) sasih sadereng kamargiang paperasan.
- (2) Bendesa Adat patut numusang ring Sang Ngawawenang pungkuran nyobyahang ring sawidangan Desa Adat, sang sapa sira ugi rumaksa tan lila, mangda nyadokang ring Prajuru masenger kalih wuku (14) rahina) sabanen pamerasan ring Bendesa Adat.
- (3) Prajuru / Dulun Desa patut digelis mawosin saha ngicenin pamutus nepek ring Catur Dresta mwah pararem.
- (4) Prade sulur paperasan tan manut kadi kecap ring ajeng Prajuru / Dulun Desa wenang ngadeg sang pacang mameras saha ngicenin panuntun mangda kapuputang babawos sulur utawi wicarannya.

Pawos 67

- (1) Paperasan sane kapatutang ring Desa Adat Tengipis risampun makacihna :
  - na. Widhiwidana paperasan
  - na. Kasaksinin olih Prajuru / Dulun Desa sane makelingang utawi ngilikitayang
  - ca. Kasobyahang ring wawidangan Desa Adat.

- (2). Sane kapatut peras anggen santana sakadi ring sor :
- na. Jadma sane magama Hindu
  - na. Papernahan nedunang saking sang meras
  - ca. Kulawarga saking purusa, prade tan wenten dados saking wadon, yaning taler tan wenten wawu dados sakama-kama (saking kayun)
  - ra. Kautamayang saking waris pancar kapurusan
  - ka. Sinalih tunggil mawiwil saking kulawarga tunggal sanggah utawi merajan, paibon lan dadia utawi ngambilin anak sios sakewanten sane agama Hindu.
- (3). Dados ngangkat santana langkungan ring adiri lanang wiadin wadon, prade lanang wadon tan dados kaparablang.

## Palet 4

## Indik Warisan

## Pawos 68

- (1). Warisan inggih punika tatamian artha brana, utang-piutang saha ayah-ayahan, ngupadi kasukertan sakala niskala saking kaluhurannya arep ring turunannya / partisentanannya.
- (2). Kang sinanggeh warisan luire :
- na. Duwe tengah minakadi tegal, karang ayahan, Desa, Kahyangan mwah pusaka siwa pakarana lsp
  - na. Pamerajan / sanggah Kamulan
  - ca. Pagunakayan, tadtadan / jwadana, utang-piutang
- (3). Wawu dados kabawos warisan prade wenten :
- na. Sang mapiturun (pawaris)

- na. Katurunan (Ahli waris)
- ca. Artha brana mwah lategenan / ayah-ayahan maka cihna warisan

pawos 69

(1). Ahli waris luwire :

- ha. Pratisentana purusa
- na. Pratisentana pradana / santana rajeg
- ca. Santana paperasan lanang utawi wadon

(2). Prade tan wenten sakadi ring ajeng, kang sinanggeh ahli waris patut :

- ha. Turunan purusa pernah / ngunggahang, rerama lanang (pekak lan rerama misan mindon)
- na. Turunan purusa pernah kasampiing makadi sameton, kaponakan, misan, mindon.

Pawos 70

Swadharmaning ahli waris patut :

- ha. Narima saha nguwasayang tatamian, pahan saking kaluhurannya minakadi ngempon sanggah, Pura saha pangupakarannya mwah nyeledihin ayah-ayahan pawaris
- na. Nawurin utang-utang pawaris sane manut pangelolika
- ca. Ngabenang / malebonang pawaris saha ngalanturang upacara / upakara Pitra.

## Pawos 71

Pangempon waris manut kadi ring sor .

ta. Risampun kalaksanayang Pitra Yadnya lan utang-utang pawaris buntas katawur

na. Para ahli waris polih pahan pada sangkaning pangunakaya sajabaning karang, tegal, carik, ayahan desa kaemong olih ahli waris kang sinanggeh Krama Ngarep

ca. Sinalih nunggil ahli waris dados tan polih pahan prade :

- 1). Nilar kawitan lan sasananing Agama
- 2). Alpaka Guru Rupaka.
- 3). Santana rajeg kesah mawiwaha utawi pratisentana nyeburin, sowang-sowang kabawos ninggal kadaton -

ra. Boya ahli waris dados mupenin hasil manut dudonan luwire :

- 1). Santana luh, salami dereng kesah mawiwaha utawi tan alpaka Guru mwah prade madrebe pianak lan kangkenin olih wong tua rare inucap, dados ngawaris wantah pikolih / pagunakaya sentana luh inucap kemawon.
- 2). Batu luh wiadin nyeburin (soang-soang boya santana)
- 3). Mulih daha utawi taruna riantukan ring pawiwahane pecak sampun kabawos ninggal kadaton.

sa. Pawaris dados maweweh rikala maurip pinaka jiwadana, tadtadan / bekel makacihna paweweh tetep ring pianak sane kesah mawiwaha.

## Pawos 72

- (1) Prade sajeroning pakulawargan wenten ahli waris langkungan ring adiri patut :
- na. Kawentenang paigum indik padum waris inucap
  - na. Yan tan prasida katunasang tatimbang ring Prajuru / Dulun Desa (Kerta Desa)
  - ca. Prade taler tan wenten cumpu ring panepas Kerta Desa dados katunasang ring sang Runawos (Pangadilan Negeri)
- (2) Prade karang inucap kaputungan patut Prajuru / Dulun Desa nibakang ring :
- na. Sang sinanggeh ahli waris manut pawos 69
  - na. Sang kengin anggen antana manut pawos 65 (1) mwah (5)
  - ca. Prade taler tan wenten cumpu ring panepas Kerta Desa katunasang ring sang Rumawos (Pengadilan Negeri).
- (3) Prade jantes Karang Desa kaepah utawi kasepih patut sowang-sowang nedunin makrama Desa ngarep.

SAT SARGAH  
WICARA LAN PAMIDANDA

Palet 1

Indik Wicara

Pawos 73

- (1). Sane wenang mawosin makadi mutusang wicara ring Desa / Banjar Inggih punika Prajuru / Dulun Desa sane kasinanggeh Kerta Desa.
- (2). Prade sang mawicara tan wenten cumpu ring pamutus Kerta Desa dados numasang wicara inucap ring sang Rumawos (Pengadilan Negeri).

Pawos 74

- (1). Sahanan wicara mawit kacorahan sakaluwire sinanggeh nungkasin daging awig-awig, pararem mwah paswaran Desa / Banjar, Prajuru / Dulun Desa patut digelis mawosin tan nyantos pasadok.
- (2). Sajaba wicara kadi ring ajeng patut nyantosang pasadok sang nunas Rumawos.
- (3). Panepase patut pastika nyantenang iwang patut malarapan Tri Pramana (saksi, Ilkita, Bukti) mwah tan maren nepek ring Catur Dresta.

## Palet 2

## Indik Pamidanda

## Pawos 75

- (1). Desa / Banjar wenang niwakang pamidanda ring warga Desa / Banjar sane sisip
- (2). Paniwak inucap kalaksanayang olih Bendesa Adat / Kliian Banjar
- (3). Bacakan pamidanda luwire :
  - ha. Ayahan panukun kasisipan
  - na. Danda arta
  - ca. Kanorayang
  - ra. Panyangaskara
- (4). Pamidanda sane katiwakang patut masor singgih manut ring kasisipane
- (5). Jinah utawi raja brana pamidanda ngaranjing dados druwen Desa / Banjar.

## Pawos 76

- (1). Krama sane langkungan ring tigang paruman ngetantur tan nawur urunan miwah dadandan wenang karampag.
- (2). Rarampagan ngangge tatacara kadi ring sor :
  - ha. Kalaksanayang olih Prajuru / Dulun Desa kasarengin olih krama saakehnya tigang diri maka saksi
  - na. Sang ngarampag sangkaning darsana ngambil barang utawi nyawenin tanem tuwuh akehnya manut ring utang sang karampag

- ca. Sang karampag tan dados ngalengin sang ngarampag saha tan maren sarengnyaksinin pamargin rarampagan
- ra. Tan kalugra ngarampag barang-barang kadi ring sor :
- 1). Barang sane patut inggilang manut Agama
  - 2). Parabot / alat-alat pawaregan mwah sane siosan kabawos mademang pangupajiwa sane karampag / sang karampag.
- ka. Prajuru / Dulun Desa miteketang mangda barang-barang sane karampag digelis katebus masengker awuku (7 rahina) ring kutus rahinane pacang kaadol.

#### Pawos 77

- (1). Prade sang pacang karampag ngawara / ngalengin pamargi inucap mawastu sampun tan nganutin awig-awig Desa wenang karang Desa sane kagenahin kadaut olih Desane.
- (2). Samalih ya:n purun taler ngalengin palaksanaan ring ajeng tan wenten pamargi sajawaning kasepekang olih Krama Desa / Banjar.
- (3). Pamidanda inucap ring ajeng keni buntas risampun sang kakeninin :
  - ha. Nunas geng pangampura ring Krama Desa riantukan nguwak pasubaya (pararem pecak)
  - na. Nawur pangargan panguwak pasubayane duk pacang karampag kadulurin pamrayascitta panyapsap kalwangan ring Desa / Banjar.

SAPTAMA SARGAH  
 NGUWAH NGUWUHIN AWIG-AWIG

Pawos 78

- (1). Nguwah nguwuhin awig-awig Desa Adat Puniki kalaksanayang ring paruman Desa.
- (2). Awig-awig puniki kamargiang ngawit kaingkupin (kararemin).

Pawos 79

- (1). Sakaluwiring wenten saderengnya patut kaanutang ring awig-awig puniki.
- (2). Sakaluwiring sane durung kabawos sajeronong awig-awig puniki patut kalaksanayang tatacara sane sampun mamargi kadulurin antuk pararem-pararem.

ASTAMA SARGAH  
 SAMAPTA

Pawos 80

- (1). Awig-awig puniki kararemin duk rahina : Saniscara, Kliwon wuku Wariga, pananggal ping 3 (tiga) sasih Jiyestha (11) Isaka warsa 1920 tanggal masehi, 18 Mei 1998 ring Wantilan Desa Adat Tengipis.
- (2). Awig-awig puniki kalingga tanganin olih Bendesa lan Prajuru Desa Adat kasarengin olih Klijan Banjar saha kasaksinin olih Prajuru Dinas pinaka saksi.

(3) Lahir sang ngalingga tanganin :



Kapertama : Prajuru Desa Adat.

Desa Adat Tengipis.

*[Signature]*  
( I Wayan Puqeq )

Penyarikan,

*[Signature]*  
( I Wayan Sepi )

2. Klan Banjar Tengipis

*[Signature]*  
( I Nyoman Mariana )

na. Kaping kalih : Prajuru Dinas pinaka saksi :

1. Kepala Dusun / Banjar Tengipis.

*[Signature]*  
( I Nyoman Mariana )

2. Kepala Desa Buah Kaja

*[Signature]*  
( I Made Surjaya )

3. CAMAT PAYANGAN,



*[Signature]*  
( I WAYAN SUILA BA )

PENATA

NIP. 600005503.

Mengetahui dan telah dicatatkan

Pada tanggal : 8 Februari 1999  
Nomor : 3 tahun 1999



BUPATI KEPALA DAERAH TINGKAT II GIANYAR

*[Signature]*  
TJOKORDA GDE BUDI SURYAWAN. SH